



पापे रानी



www.kunjipoopatta.com
email.info@kunjipoopatta.com



इदेक नना पुन्तोना कि, नियागा सगोरदियाता पुनाल जीवा मन्ता। अनि पापेरानि इन्ता कि, नावा सोबाता जीवा सगोरदियाता हिले, मति निया पुनाल जीवा जो परमेस्वर निकुन हितोर, अद जिवा सगोरदियाता आन्दु अनि अद स्वरगतिगा उन्दि लेहका मन्दार।



नना उन्दि हुडुला परयाना पापे आन्दन अनि बागिचाते मन्तोना। नावंग गोतिह नाकुन पापेना रानी इन्तांग। नाकुन सबोय लोकुरक इन्तोर कि, नना सोबाय अनि चोकोट दिसान्तोना। निमाट नाकुन वेह परान्तोरिटकि, नावा मारेकनिगा बचोक रंग मन्तांग ?

मति नावा मुनेटा जीवाता पिटो, सबोयसे अल्गो मन्ता। मुने नावा मेन्दुल इदम हिले आसि। मुनेटा मेन्दुलसे इदेक्ता नावा मेन्दुल, पकाय सोबाता मन्ता। अनि अद बेरा नावा मेन्दुल इचोन सोबाय हिले आसि। अनि इदेक्ता लेहका मुने, नना परियला परोन आन्दन। बाक्या कि नना उन्दि कोसापुळिय मतोना।



“हे प्रबु येसु नना पाप कितोना इन्जोक पुन्तोना। अनि नना विस्वास किन्तोना कि, प्रबु येसु निमा नावासाटि क्रुस कंबता पोरो हाति अनि निकुन मिसतुर अनि मुन्डदियाने निमा जीवे माति। अनि नना नियासे परातना किन्तोना कि, हे प्रबु निमा नावा जुनाल जीवातुन बदलेकिसुन पुनाल बनेकिम अनि नाकुन मदत किम कि, नना असो बोदे पाप केवा जिवेमायका इन्जोक। आमेन।”

अनि बायबलतिगा इदम कोटताल मन्ता
 कि, बोर आयि प्रबु येसुना पोरो विस्वास
 किन्तोर, ओनासाटि पुनाल जीवन मन्ता।
 मति निमाट प्रबु येसुना पोरो विस्वास
 किसोरिगं मतेक अचो, इदम परातना किमट
 कि।



अनि मुने नना सकर-नुलपे आकिना अडिय
 मक्सुन मन्दान।

अनि अद बेराते नना, पुळियिकना नडुम
मन्दान अनि नना आपुन्तुन आकिना नडुम
माकिहच इरन्दान अनि जीवे मान्दान। मति
मुने नना दरतितिगा हुस्तोय हुस्तोय ताकाना
उन्दि कोसापुळिय मतोना। अनि देक नना
जुनाल जीवातुन आल्हन्तोना तो, नाकुन
लज्जा वान्ता। बाक्या कि नावा मेन्दुल
बदम बदले मातते नना पुनोन।

मिकुन पापता दन्डताल पिसहन्साटि, प्रबु
येसु आपुना जीवातुन क्रुस कंबातिगा हिसुन
हातुर। अनि प्रबु येसु हास मतोर आगाळल
मून्डदियाने असा जीवेमातुर, इदमलेहका
मिकुन पुनाल जीवा कल्याना मतेक अचो,
निमाट प्रबु येसुना पोरो विस्वास किमट
अनि निमाट विस्वास किसोरिंग मतेक
अचो, पापतुन कबुल किमटु अनि मापी
तलकाट।



अनि नना हुडुला पुळिय मतोना, मति हुळाट
नना बदम पुनाल आतान अनि सोबाय पापे
बनेमातान।

अनि इदमे परमेस्वरवने मिया जीवातुन
पुनाल बनेकियान्साटि हुळान्तोर।

इन्जोक परमेस्वर मानेयसंग पकाय मया
कितुर, अनि आपुनोर वरोर मयातोर मरिन
लोकूरा मुक्ति कियान्साटि हितुर,। अनि प्रबु
येसु मावा लेहका वरोर मानेय मतोर, मति
ओना जीवाते बदे पाप हिले आसि।

अनि बांग निमाट पुन्तोरिट कि, निमाटवने
इदामे पुनाल आयपरान्तोरिट। नना मिक्नु
इदम इनोन कि, निमाट वने मारेकिने
परयाट। मति परमेस्वर मिया जीवातुन
बदले किसून उन्दि पुनाल अनि अनन्त
जीवा हीयापरान्तोर।





अनि निमाट बस्केय आल्हितोरिट पुनाल जीवाता बारेते ? अनि बाताल निमाट पुन्तोरिट, माक पकाय बुतो किन्तोरिट अनि इन्तोरिट कि, दुसरो मानेय बोदेतोर मन्तोर। इद पोल्लो करोय आन्द, माकुन बस्केय बस्केय इदम आन्ता। अनि बस्केय निमाट बोनायसंगे वहच मन्किट, आयोते बोनायसंगे होगंदे वळक्स मन्किट, आयोते जुटा वळक्स मन्किट इदम इदम कीयाना

पाप मन्ता इनजोक परमेस्वर बायबलतिगा वेहान्ता।

अनि परमेस्वरदा पवित्र पोल्लो वेहान्ता, सबोय लोकरक पाप कितुरक अनि प्रबुना माहिमताल लक हतुरक। इन्जोक दन्डता हक्क मन्तोरक, अनि परमेस्वर इदम आल्होकि निमाट पापता दन्ड येताट। मति परमेस्वर आल्हन्तोर कि निमाटवने नावा लेहका आमट।

